

სახელმწიფო შესყიდვის შესახებ ხელშეკრულების პროექტი

ხელშეკრულება № _____
სახელმწიფო შესყიდვის შესახებ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად გამარჯვებულ პრეტენდენტთან. წინამდებარე ხელშეკრულების პროექტის პირობები დაზუსტდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი

ქ. თბილისი

2018 წლის ____

ერთი მხრივ, ერედვის მუნიციპალიტეტი (მისამართი: ქ. თბილისი, დავით აღმაშენებლის გამზირი №89/24) წარმოდგენილი გამგებლის ოთარ ცოტნიაშვილის სახით (შემდგომში წოდებული „შემსყიდველად“) და მეორე მხრივ _____ (მისამართი: _____) მისი დირექტორის _____ სახით (შემდგომში წოდებული „მიმწოდებლად“), ერედვის მუნიციპალიტეტის მიერ თეთრიწყაროს მუნიციპალიტეტის სოფელ კოდის დევნილთა დასახლებაში (მინი სტადიონის მიმდებარე ტერიტორია) დასასვენებელი პავილიონის (ფანჩატური) მოწყობისათვის საპროექტო-სახარჯთაღრიცხვო დოკუმენტაციის მომზადების შესყიდვის მიზნით ჩატარებული ელექტრონული ტენდერის აუქციონის გარეშე (კლასიფიკატორის კატეგორიის CPV 71320000 -საინჟინრო-საპროექტო მომსახურება) გათვალისწინებით ვდებთ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება
 - 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
 - 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
 - 1.3. „დღე“, „კვირა“, „თვე“ – კალენდარული დღე, კვირა, თვე.
 - 1.4. „შემსყიდველი“ – ორგანიზაცია, რომელიც ახორციელებს შესყიდვას.
 - 1.5. „მიმწოდებელი“ – პირი, რომელიც ახორციელებს სამუშაოების ხელშეკრულების ფარგლებში.
 - 1.6. „მომსახურება“ – ხელშეკრულების მე-2 მუხლით გათვალისწინებული ხელშეკრულების საგანი.
 - 1.7. „ტექნიკური დავალება“ – სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი:

2.1. ხელშეკრულების საგანია - ერედვის მუნიციპალიტეტის მიერ მცხეთის მუნიციპალიტეტის სოფ. წეროვანის დევნილთა დასახლებაში არსებული #179 და #793 დაზიანებული კოტეჯების სარეაბილიტაციო სამუშაოების შესასრულებლად საპროექტო-სახარჯთაღრიცხვო დოკუმენტაციის მომზადების შესყიდვა - ტექნიკური დავალების

შესაბამისად, რომლებიც უნდა შესრულდეს ხელშეკრულების გაფორმებიდან
კალენდარულ დღეში - 2018 წლის ---- ჩათვლით.

45

3. ხელშეკრულების მოქმედების ვადები

3.1. ხელშეკრულება ძალაში შედის ხელმოწერის მომენტიდან და მოქმედებს 2018 წლის -----
----- ჩათვლით. (ხელშეკრულების მოქმედების ვადა ერთი თვით უნდა აღემატებოდეს
მიწოდების ვადას).

4. ხელშეკრულების ჯამური ღირებულება

4.1 შესყიდვის ობიექტის ფასი განისაზღვრება ლარებში:

4.2 ხელშეკრულების ჯამური ღირებულება შეადგენს: _____ ლარს,

5. მომსახურების გაწევის წესი და ადგილი

5.1. ხელშეკრულებით გათვალისწინებული ვალდებულების შესრულების ადგილია
საქართველო, ქ.თბილისი, დ.აღმაშენებლის 89/24.

5.2. მომსახურების გაწევა ხდება ერთიანად ამ ხელშეკრულების დადგენილი წესის
მიხედვით.

6. მხარეთა ვალდებულებები

6.1. მიმწოდებელი ვალდებულია გაუწიოს შემსყიდველს ამ ხელშეკრულების მე-2 პუნქტში
მითითებული მომსახურება

6.2. თუკი ხელშეკრულების მე-2 პუნქტით გათვალისწინებული მომსახურება არ აღმოჩნდება
სრულყოფილი, მიმწოდებელი ვალდებულია, შემსყიდველის მოთხოვნისთანავე,
გამოასწოროს ეს ნაკლი საკუთარი ხარჯებით.

6.3. მიმწოდებელი უფლებამოსილია მოსთხოვოს შემსყიდველს მომსახურების
ღირებულების ანაზღაურება ხელშეკრულებით გათვალისწინებული ვადებისა და პირობების
დაცვით.

6.4. შემსყიდველი ვალდებულია მომსახურების სრულყოფილად გაწევის შემდეგ
გადაიხადოს მისი ფასი ამ ხელშეკრულებით გათვალისწინებული პირობებით;

6.5. შემსყიდველი უფლებამოსილია ნებისმიერ დროს განახორციელოს მიმწოდებლის მიერ
ნაკისრი ვალდებულებების შესრულებისა და ხარისხის ინსპექტირება;

7. მომსახურების გაწევის პირობები

7.1. მიმწოდებელმა საპროექტო-სახარჯთაღრიცხვო დოკუმენტაციის შედგენა და
შემსყიდველისათვის წარმოდგენა უნდა უზრუნველყოს ექსპერტიზის დადებით
დასკვნასთან ერთად, ხელშეკრულების გაფორმებიდან 45 კალენდარული დღის ვადაში (სსიპ
„ლევან სამხარაულის სახელობის სასამართლო ექსპერტიზის ეროვნული ბიურო“-ში ან სსიპ
„აკრედიტაციის ერთიანი ეროვნული ორგანოს-აკრედიტაციის ცენტრი“-ს მიერ
აკრედიტებულ იმ პირთან, რომელსაც გააჩნია აკრედიტაცია ამ პუნქტით განსაზღვრული
მომსახურების სფეროში, ასე შემთხვევაში პრეტენდენტმა დასკვნასთან ერთად უნდა
წარმოადგინოს (დასკვნის გამცემის) შესაბამისი აკრედიტაციის მოწმობის ასლი).

7.2. მომსახურების გაწევის ადგილია: ქ.თბილისი. დ.აღმაშენებლის 89/24

8. ანგარიშსწორების ფორმა და წესი

8.1 სატენდერო წინადადებაში საერთო ფასი გამოსახული უნდა იყოს საქართველოს
კანონმდებლობით გათვალისწინებული შესყიდვის ობიექტის მიწოდებასთან
დაკავშირებული ყველა გადასახადის გათვალისწინებით, გარდა დღგ-ს გადასახადისა.

8.2 მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში.

8.3 „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017 წლის 14 ივნისის N12 ბრძანების 21 მუხლის მე-5 პუნქტის მიხედვით იმ შემთხვევაში, თუ ხელშეკრულების დადების მომენტისთვის პრეტენდენტი არის დღგ-ის გადამხდელი საქართველოს კანონმდებლობის მოთხოვნათა შესაბამისდ, შემსყიდველი ორგანიზაცია ვალდებულია ხელშეკრულების ღირებულებაში გაითვალისწინოს სატენდერო წინადადების ფასის შესაბამისი დღგ-ის ოდენობა.

8.4 ანგარიშსწორება მოხდება მომსახურების სრულად გაწვის შემდეგ, მიღება-ჩაბარების აქტის და შესაბამისი საგადასახადო დოკუმენტის წარმოდგენის შემდგომ 10 (ათი) სამუშაო დღის განმავლობაში.

8.5 წინასწარი ანგარიშსწორება (ავანსი) არ გამოიყენება.

9. ხელშეკრულების ინსპექტირება

9.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე.

9.2. ამ მუხლის პირველი პუნქტით გათვალისწინებული ხელშეკრულების შესრულების კონტროლს ახორციელებს - **ერედვის მუნიციპალიტეტის გამგებლის ბრძანების საფუძველზე შექმნილი სამუშაო ჯგუფი.**

9.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით - სამუშაოების შესრულების პროცესში.

10. შესყიდვის საგნის მიღება-ჩაბარების წესი

10.1. ხელშეკრულებით გათვალისწინებული მომსახურება ჩაითვლება მიღებულად მას შემდეგ, რაც შემსყიდველის მიერ უფლებამოსილი პირებ(ებ)ი ხელმოწერით დაადასტურებენ მის მიღებას.

10.2. ამ მუხლის პირველი პუნქტით გათვალისწინებული მიღება-ჩაბარების აქტზე ხელმოწერი პირ(ებ)ი შემსყიდველის მიერ განსაზღვრული იქნება ხელშეკრულების გაფორმების მომენტისათვის.

11. ხელშეკრულების შეწყვეტა

11.1. შემსყიდველი უფლებამოსილია უარი თქვას წინამდებარე ხელშეკრულებაზე და მოითხოვოს გაწეული ხარჯების ანაზღაურება ხელშეკრულებით გათვალისწინებული ხარისხის მნიშვნელოვანი დარღვევის (გამოუსწორებელი ნაკლის, ისეთი ნაკლის, რომლის გამოსწორება შეუძლებელია განსაზღვრული მატერიალური და დროის დანახარჯების გარეშე, ან რომელიც კვლავ აღმოჩნდება ნაკლის გამოსწორების შემდეგ) შემთხვევაში.

11.2. შემსყიდველი უფლებამოსილია მთლიანად ან ნაწილობრივ შეწყვიტოს ხელშეკრულება მიმწოდებლისათვის ვალდებულების შესრულების შეუძლებლობის წერილობითი შეტყობინების შემდეგ თუ:

ა) ხელშეკრულებით გათვალისწინებულ ან შემსყიდველის მიერ გაგრძელებულ ვადაში მიმწოდებელს არ შეუძლია მომსახურების სრულად მიწოდება;

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება;

გ) შემსყიდველისათვის ცნობილი გახდა, რომ მისგან დამოუკიდებელი მიზეზების გამო, იგი ვერ უზრუნველყოფს ხელშეკრულებებით ნაკისრი ვალდებულებების შესრულებას;

დ) მიმწოდებლის მიმართ დაიწყო გაკოტრების საქმის წარმოება;

ე) მიმწოდებელი აყოვნებს მომსახურების გაწევას;

ვ) საქართველოს კანონმდებლობით გათვალისწინებულ სხვა შემთხვევებში.

12. ხელშეკრულების პირობების შეუსრულებლობა

12.1 ხელშეკრულებით ნაკისრი ვალდებულების შესრულების ვადის გადაცილების შემთხვევაში, მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,1%-ის ოდენობით.

12.2 იმ შემთხვევაში, თუკი მიმწოდებლის მიერ გადასახდელი (მხარისათვის წინამდებარე ხელშეკრულების შესაბამისად დაკისრებული) პირგასამტეხლოს საერთო ღირებულება გადააჭარბებს ხელშეკრულების საერთო ღირებულების 2%-ს, შემსყიდველს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზიანის ანაზღაურება.

12.3 ხელშეკრულების ნაწილობრივ შესრულების შემთხვევაში შემსყიდველს უფლება აქვს მოითხოვოს პირგასამტეხლო შესასრულებელი(დარჩენილი)ვალდებულების შესაბამისი ღირებულების 10 %-ის ოდენობით.

13. ფორს-მაჟორი

13.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებებით.

13.2. ამ მუხლის მიზნებისათვის ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო სახელშეკრულებო ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, სამუშაოების მიწოდებაზე ემბარგოს დაწესება, სახელწიფო გადატრიალება და სხვ.).

13.3. ფორს-მაჟორული გარემოებების დადგომის შემთხვევაში ხელშეკრულების მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

14. ხელშეკრულების ენა

14.1 ხელშეკრულება დაწერილ უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

15. შეტყობინება

15.1 ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

15.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. ხელშეკრულებაში ცვლილებების შეტანის და შეწყვეტის წესი

16.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

16.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

16.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

16.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

17. დავების გადაჭრის წესი

ამ ხელშეკრულების შესრულების დროს წამოჭრილი ყველა დავა შეძლებისდაგვარად გადაიჭრება მხარეთა შორის მოლაპარაკების გზით. შეთანხმების მიუღწევლობის შემთხვევაში დავას წყვეტს სასამართლო.

18. დასკვნითი დებულებები

ხელშეკრულება შედგენილია ორი თანაბარი იურიდიული ძალის მქონე ეგზემპლარად (ერთი რჩება „შემსყიდველს“, ერთი – „მიმწოდებელს“).

მხარეთა რეკვიზიტები:

შემსყიდველი:

მიმწოდებელი:

ერედვის მუნიციპალიტეტი

მის.:

მის.: -----

საიდენტიფიკაციო კოდი -----

საიდენტიფიკაციო კოდი -----

ბანკის კოდი:

ბანკის კოდი:

ანგარიშსწორების ანგარიში:

ანგარიშსწორების ანგარიში:
